

Da hat se geschrieb, sie dät im Bett leie, sie wär arig verkält, awer nächschte Mondag käm sie uff die „alt Bremm“, um vier Uhr wär se dort . . . Das is awer weit, han ich gedenkt. Am Mondag hats gerent und gerent, es hat nur so gepletcht, awer ich han mir e Wasserdichter ahngedahn un bin losgang. Uff em „Hahne“ is mir mei Schirm linksgang un da owe hat e Wind gebloßt vun Forbach her, daß mr mei Hutt furtgefloh is. Awer ich bin drufflos marschiert. Ich war doch zu begierig, wie sie ohne die Larv ausgefiehn hät, wo ich ihr doch schon e Heiratsahnttrag gemacht hat. Un sie hat doch mein Name gewißt un mei Adress. Awer sie hat mir ihre Name nit verrate. Ich sollt ihr poschtlagernd schreibe unner „Vergißmeinnicht“ . . .

Wie ich also in die „alt Bremm“ kumm bin, war das Wirtshaus voll Leit, awer ich han kei kleen Dam gefiehn. Ich han gewaart un gewaart, un han in de Rege geguckt, der uff de alt Exerzierplatz niedergang is, un vom Spichererberg is es Wasser geschoß kumm, awer sie is widder nit kumm. Un um mich herum han Leit gefeß, die han das Grammophon spiele lasse, un han's aach noch mitgesung: „In der Nacht, in der Nacht, wenn die Liebe erwacht.“ Ich han gesah, daß man so ebbes nit meh singe. „Ihr brauche jo nit zuzuhere,“ han sie do allegare geruft. Do han mir Krakehl kritt un ich bin hem. Ich war wietig. Die soll mir noch emohl kumme, han ich gedenkt. Am nächschte Morje kummt widder e rosa Briesche. Ich han's erscht in de Owe stecke wolle, awer ich war doch zu neigierig, un han's uffgemacht. Da schreibt sie, ich dirft nit beefß sin, awer iver unserem Wiedersehen stind kei gutter Schtern. Sie wär schon fertig ahngezog gewehn, da wär ihr Goth aus Ottweiler ahnkomm, un sie hätt misse dahemleiw, denn sie hätt ihre Eltern doch nit sahn kinne, ich gehn ins Ehredahl spaziere bei dem Wedder — — Ihr Mudder dät gut uffpasse un ihr Vadder erscht recht, sie wär guttbehlet und dirft sich nig erausnehme, un ihr Eltere dirfte nie erfahre, daß sie alleen uff der Redout gewehn wär. Awer sie käm bestimmt nächschte Mondag ins Café Adams in de Reichsstraß' um drei Uhr, da wärs noch nit so voll und die Herre vum vinum bonum wäre noch nit do. Du kummscht mir geschlich, han ich gedenkt, die laßt mich noch emohl sitze. Un die Muder kummt womöglich hinnerher un zieht gleich de Traualtar aus dem Sack, un dann ham mir die Bescherung. Ich hatt ihr dene Heiratsahnttrag gemacht, awer ich wollt doch erscht ihr Gesicht siehn. Ich wollt doch kei Raß im Sack kaafe.

Also, da bin ich uff e ganz raffinierter Gedanke verfall. Ich han mich krank gestellt un han ihr geschrieb. Ich wär krank. Ich hätt mir uff dem Spaziergang iver de Hahne de Schnubbe geholt, un der Doktor hätt mir verbott, an die Luft zu gehn. Ich hätt ihr ebbes wichtiges mitzuteile, das keine Aufschub erleide kennt, ich mißt aach bald verreise un vorher mißt ich mit ihr gesproch han. Ich wär dahemm un dächt sie um vier Uhr am Mondag in meiner scheene Wohnung zum Kaffee erwaarte. Jetzt will ich doch emohl siehn, ob sie kummt, han ich gedenkt. Un die ganz Boch hat mich der Deiwel uff die Antwort zappelle gelaßt. Erscht Sonndags Morjens is der Brief kumm. Nur e Kaart, daruff stand: Auf Wiedersehen ohne Larv am Mondag um vier.

Ich han mich gefreit, ich kanns Euch nit sahn, wie ich mich gefreit han. Sie hat mirs doch emohl ahngedahn mit ihre nette kleene Händcher un dem liewe Stimmche. Ich han alle Vorbereitunge gedroff, han die Buzfraa bestellt, mir han die ganz Wohnung schon uffgeräumt, ich han e feiner Kaffee koche gelaßt, un feiner Küche hole lasse, un die Zigarette han ich aach nit vergeß, denn sie raacht zu gern, die hat geraacht, wie ich noch kei Frauezimmer han raache siehn. Es wär ihr enigz Laschter, saht sie. Also, ich han die feinschte